

AB

136170

als 00 ^{el}
w₃
Auszubildende

ΠΑΡΑΦΡΑΣΙΣ

ORATIO

NIS DOMINICAE

HEROICO CARMINE

REDDITA



M. LUDOVICO

Salueldo Calensi.



I E N A E

Ex Officina Typographica Do-
nati Ritzenhaini.

Anno M. D. LXIX.

*Nicolaus W
misit Joann
poetis pla
sis. m. m
low Kige*

[Faint, illegible handwritten text]

[Faint, illegible printed text]

[Faint, illegible printed text from the adjacent page]



TE ET INTEGRITATE ORNATIS-
simis viris, Dominis Consulibus, cæte-
risq; Senatoribus Reipub: Calensis,
Dominis ac amicis suis co-
lendis. S. D.



VESTRUM HOC CARMEN MEVM
sub nominis vestri inscriptio-
ne ederem, mouit me & hu-
manitatis & liberalitatis ve-
stræ multis modis mihi per-
spectæ ratio. Fuit enim vestra cum erga
omnes honestarum artium cultores tum
in me semper beneuolentia singularis, &
animus in iuuandis ac prouehendis stu-
dijs liberalis & promptus. Quamobrem
summopere mihi in id incumbendum e-
rit, vt vestram beneuolentiam non tan-
tum conseruem, sed etiam quibus possum
studijs augeam. Etsi autem meam in scri-
bendo carmine tenuitatem libenter ac
verecundè agnosco, & tantum abest, vt
me exercitatis in hoc studiorum genere,
viris inseram, vt me etiam illis, qui á na-
tura adiuuantur & cum longa accurataq;
optimorum Poetarum lectione & obser-
uatione, tum diligenti exercitatione ac

A 2

imi

erēcerunt & præitare possunt, omni re-
uerentia subijciam: tamen quia præstan-
tissimorum virorum vestigia etiam ex
aliquo interuallo sequi, suam habet lau-
dem, spero conatum meum à nemine re-
præhensum iri, qui intelligat me ideo
hanc operam instituisse, vt aliquot meæ
erga vos obseruantia specimen ostende-
rem. Vestram igitur prudentiam quàm
possum officiosissimè rogo, vt quale qua-
le est, quod vobis à me offertur, benignè
accipiatis, & vestra æquanimitate mi-
hi ad scribendum industriam au-
geatis. Bene valete. Data le-
næ 16. Calendas Iunij.
Anno nati Salua-
toris 1569.

Vestræ Pruden-
tiosiss:

M. Ludouicus
Salueldus Ca-
lensis.

ORATIO

M I N I C A.

Audi sancte Deus, qui mundi fata gubernas,
Audi summe Pater natorum vota tuorum.

Qui licet in terris terreno corpore pressi
Omnibus expositi fortunæ fluctibus hærent:
Attamen erectis celsas super ætheris arces
Ad te suspirant animis, cupiuntq; relictis
His tandem exuuijs spaciola per astra volantes
Latisonis cantare pios tibi vocibus hymnos.

Quàm malè degeneres rabidi nos dirus Auerni
Auulso cælo furor in contraria vertit
Naturæ vitia, & dulci spoliauit honore
Eripiens prima infusas ab origine dotes.
Quàm primùm illiciti seducta cupidine pomi
In tetras colubri consensit fæmina fraudes,
Persuasitq; suo fructum gustare marito.

Heu quibus inuoluit corruptum angoribus or-
Ista ruina patris? contemptum numinis istum (hem
Quam grauibus luimus pœnis, rea turba, nepotes?
Tartareis quoniam mens illaqueata tenebris
Squallet vt horrendi fædatum carceris antrum.
Acribus in reprobum quin ipsa sequacia sensum
Corda tument stimulis, & deprauata voluntas
Semper in aduersum vicioso nititur æstu,

A 3

Affectatq;

Tu vero ingenti nostri misereris amore,
Et quos iusticiæ damnari iusserat ordo
Unigeni merito nati mediante benignus
Conseruat fauor, & cœlesti sede reponit.
Scilicet arridet chari tibi blanda parentis
Vox magis, austeri quàm nomen iudicis, ergo
Faucibus creptos Mortis, tristiq; Barathro
Ad cœli reuocans commercia nescia fine
Hæredes facis esse tuos, tecumq; per æuum
Viuere cœlicolis similes. Quæ missus ab alto
Fœdera diuini confirmat Spiritus oris.
Illustrata sacris qui pectora motibus implet,
Expellensq; metus animi seruilis inertes
Saluificæ validam fidei corroborat arcem,
In verosq; animat gemitus & vota precantes.
Ille pater, pater ille pio de pectore clamat,
Ille vni pariter capiti nōs copulat omnes,
Omnes baptismi fontem deducit ad vnum,
Omnes vnius saluatos sanguine Christi
Vna spe releuat, portum dans omnibus vnum
Vno omnes docet ore Deo vni fundere vota.
Quod iubet ergo tuus, qui tecum tantus, vt ipse
Filius æqualem fert maiestatis honorem,
Per nomen dare vota suum, tua poscere dona,
Et certa orandi nobis quoq; verba reliquit:

Ora-

Non auidio patris animo super astra uacatis.

*Da Pater ut (semper quod sanctū p̄manet in se)
Nomen in orbe tuum uero celebretur honore,
Ut populi tua uerba colant, tua iussa sequantur
Teq; Deum uerum agnoscant, idola relinquunt,
Quosq; superstitio cultus & numina finxit,
Agnita diuini damnent post dogmata uerbi,
Conuersiq; suis concretum moribus omnem
Ex animo resacent n̄euum, fugiantq; renati
Infandam scelerum segetem, ne turpiter ausē
Dedecorent aliquo diuinum crimine nomen.
Sed uero ardentes uiuant pietatis amore,
Inuidiæq; faces, & amaræ prælia linguæ
Extinguat placidis humilis patientia dictis
Exemplo informata tuo, clarissima mundi
Lumina qui rectis præbes, simul, atq; malignis,
Et largum coelo super omnes depluis imbrem.
Quis tamen inter nos sanctos operabitur actus?
Tu nisi sanctifices, nisi tu prius ora resoluas
Afflatu purgata tuo, quis sancta loquetur?
Polluti sumus, & captas Adamantina linguas
Vincula constringunt, immundū pectus habemus,
Te sine nil sanctum, nihil est uenerabile nobis.
Tu nobis immitte tui spiramen amoris.
Ut nos succendat, commissa piacula uitæ*

A 4

Discu-

Vt tibi quod facimus p̄ Christū opus omne p̄betur.

Quin etiam pacata tui moderamina regnē
Profer, & hostiles inter dominare cateruas,
Atq; animos contunde feros, & ferrea verbi
Corda tui sceptro emolli, compesce, reforma.
Quosq; tenebrarum regnis, Stygioq; tyranno
Per culpam addictos fontes genuere parentes
Hos tua sacrata lotos baptismatis vnda
Ætherei faciat consortes gratia regni,
In quo nec gemmis collucent tecta, nec auro,
Nec fremit audaci glomerata satellite pompa.
Sed simplex & inops aspersas sanguine Christi
Gens induta togas veræ documenta salutis
Tractat ouans, pangitq; melos, cætuq; frequenti
Laudibus & sancto celebrat tua numina cultu,
Contemto mundi vano fallacis honore
Atq; voluptatum stimulus è corde reuulsis.

Et iua quod statuit de nobis iusta voluntas
Libera perficiat semper, nostrasq; domando
Flectat in obsequium mentes atq; aspera colla
Siue velis dura attritos nos sorte probari,
Ærumnas humili constanter corde feramus
Siue velis lætis rerum successibus uti,
Non ferat in præceps fragili fortuna fauore
Sed tua coelestes faciunt ceu iussa ministri

Non

Vsq̄ tuum tua non ægra pietate sequamur
Imperia, & vero tibi coniungamur amore
Callidus & quicquid serpens & friuolus orbis
Intentat, tutas soluat formidine terras.

Da nostris etiam membris alimenta caducis
Et mortale sibi quem poscit corpus amictum
Elargire Deus, qui picti lilia campi
Vere nouo varijs floresq̄ coloribus ornas,
Et viles dignaris aues, nidoq̄; relictos
Implumes pullos immanis pascere corui.
Da pius & sapiens patrias cum laude gubernet
Rector opes, cui relligio, cui publica curæ
Vtilitas, placido qui commendatus amore
Non dubitet pulcram pro lege & p̄ grege mortem
Oppetere, & fines libertatemq̄; tueri.
Da pacem, & placidæ conserua pacis amicas
Artes, atq̄; bonos inter nos asserere mores.
Quicquid & assiduos hæc vita requirit in vsus
Alme Pater natis tu diues egentibus adde.
Et quamuis fermè delinquimus omnibus horis
Peccati squallore fluens & sordida massa,
Atq̄; tuam vitijs iram pœnasq̄; meremur:
Nostra tamen trepido flentes delicta pauore
Damnamus, veniamq̄; pio te poscimus ore
Per tormenta crucis Christi, per mortis agonem,

A S Quo

Ne nos pro meritis vlciscere vindice dextra,
Nec culpas ad amussim omnes grauis exige iudex,
Sed bonus esse velis, miseris peccata professis.
Sic etiam acceptus cum nos dolor vrget in iram,
Fratris ob offensam, non indulgebimus illi,
Sed veniam dabimus quoties res poscit amico
Erroremq; omnem placido candore tegemus.
Quot porrò fulgent radianti sydera caelo,
Quot Lybicum tenuis mare corpora voluit arena:
Tot mala, tot patitur durissima vita labores,
Quos mihi centenis non fas est dicere linguis.
Hinc furit indomitum Stygij vis effera monstri,
Et sibi subiectum quassat, mouet, eruit orbem.
Mille dolos, & mille nocendi fabricat artes,
Tollat vt è medio sinceri dogmata verbi,
Doctoresq; pios domet igne, & delet vndis,
Et uarijs tormentorum laniena figuris
Extinguat fidei stabiles in agone manentes.
Hinc viciosa malis affectibus impugnatur,
Nec moderatrices audit caro mentis habenas.
Excusso veluti sternax sessore caballus
Per sata culta cito ruptis volat impete loris.
Non est in nostris, tot vincere, viribus, hostes,
In nostro nec Marte situm est, tu pectora flatus
Vi spirante tui superindue fortibus ausis.

Vt mu.

Et protecta sacris auariter munitur armis.
Atq; suo victrix rabidum cum principe mundum
Ingentes & opum pedibus conculcet acervos,
Et propria latum figat de carne triumphum.
Atq; immortalem letetur adepta coronam.

Deniq; cum nō sit prauo quod in orbe moremur,
Est ubi perpetuus dolor, & grauis vndiq; luctus
Corda terit, macerat, contorquet, torret, & exest.
Momentoq; leui fallaci gaudia fuco
Deludunt miseros, & inani lætus honore
Ocyus aduersa fortunæ euertitur aura.

Da Pater, vt cum depositam tibi reddere vitam
Iusseris, in vera fidei statione lubenti
Terribilem cunctis subeamus pectore mortem,
Mortem, quæ nobis cunctorum meta malorum,
Et quæ prima patet cœlestis ianua vitæ.
Factuus extrema nobis solator in hora

Duro in conflictu (quando accusator acerbos
Ingeminat stimulos peccati, & verbera torquet
Intentatq; reis rapidæ tormenta Gehennæ)
Mitiget afflatu duri certaminis æstum.

Corporeaq; animam excipiens compage solutam
Angelus ad rutili vehat aurea limina cœli,
Quo gemitus procul omnis abest, sedesq; beatas
Felices habitant animæ, placidoq; fruentes

Collo-

H Y M N V S D E C H R I
S T I A N O M I L I T E .



*Andæ parabit se cruci,
Christo suum nomen duci
Quisquis dat, ille desides
Scit excitare milites.*

*Animis opus præsentibus,
Tribus resistendum hostibus.
Hæc pugna nec stat sanguine,
Verum salutis munere.*

*Mundi voluptas allicit,
Honoris aura concutit,
Opum fames cor occupat,
Orco libido mancipat.*

*Obducta mens caligine
Solet Deum contemnere,
In corde contumacia
Legi ruit contraria.*

*Hinc hostis infestissimus
Nobis Draco fit obuius,
Ignita cuius spicula
Demoliuntur pectora.*

Ergo

Armis, manumq; conseres?
Amor Dei, spes & fides
Tuentur, & sanctæ preces.
Dux Gedeon fortissimus
Tradit suis cohortibus
Tubas & ardentes faces,
Et hostium fugat greges.
Sic Christus inuictissimus
Princeps suos exercitus
Verbi subornat buccinis,
Et luce sancti Flaminis.
His hostis armis vincitur,
Hoc mundus ense cæditur,
Succumbit his telis caro,
Victor potitur premio.
Ponenda vita pro duce?
Quid tum? sequemur strenue
Nostræ ducis vestigia
Ob nostræ cæsi crimina.
Hæc vita vitæ somnium,
Et mortis est ludibrium.
Sed vera vita Christus est
Resuscitare qui potest.
Corpus rogo comburitur?
Creator at non tollitur.

Redin.

Scit, qui creauit omnia.
Domo fugamur exules?
Sugunt hirudines opes?
Cœlum iubemur querere,
Opes & illic ponere.
Illudimur si fabulis,
Proscindimur conuicijs:
Sciamus illustrissimam
Restare nobis gloriam.
Pugnabit ergo fortiter,
Ne des, caue, te turpiter,
Adest Deus pugnantis
Aduersus hostis impetus.

HYMNVS DE BONO PASTORE CHRISTO.



Fili Patris vnice,
Inferni domitor, salus
Mundi, iusticiæ scopus,
Et spes Christe fidelium.
Ingentes tibi gratias
Soluit Christiadum chorus,
Æternam tribuens boni
Pastoris tibi gloriam.
Concessis equidem cibus
Pascis non modo corpora,

Sed

Langrenus
Digressas stabulis oues
In veram reuocas viam,
Ignarasq; viae regis
Sancti numine Spiritus.
Et defendis oues tuas
Aduersus rapidos lupos,
Vitam nec dubitas tuam
Sancto pro grege ponere.
Infestam pecori luem
Depellis medica manu,
Ægroti gregis optimo
Sanans vulnera Balsamo.
Oramus prece supplice
Nos audire tuam sine
Vocem, nec rabidum sequi
Clamorem insidiantium.
Errantes & adhuc oues,
Quas error vagus abstulit,
Et mortis via detinet,
Adduc ad tua ouilia.
Ut crescat numerus gregis
Multis aduenientibus,
Vni pastor & agmini
Præsis perpetuo vnicus.


F I N I S.

136770

X 1378946

VD 17






ΠΑΡΑΦΡΑΣΙΣ

RATIO

S DOMINICAE


HEROICO CARMINE

REDDITA



LUDOVICO

Salueldo Calensi.



I E N A E

Officina Typographica Do-

nati Ritzenhaini.

Anno M. D. LXIX.

Nicolaus W...
misit Ioann...
poetis pla...
sis. m...
lous Kig...